



UNIVERSITÄTS-
BIBLIOTHEK
PADERBORN

Crisis Theologica

Cárdenes, Juan de

Sevilla, 1687

Cap. I. Referuntur propositiones damnatae, & præmittuntur aliqua.

[urn:nbn:de:hbz:466:1-75689](#)

quidem difficultas est, an reus possit manifestare delictum testis, quod sibi commissum est ex fide secreti cum pacto de cœlando. Et quidem eiusmodi pactum de secreto cœlando est iniquum, v.g. Si eius secretum vergat in damnum grave Reipublicæ, aut tertij. Tunc enim pactum non obligat, etiam si iuramento firmetur: quia iuramentum non est vinculum iniquitatis. Si tamen tale sit pactum, ut licet possit servari, illud obligat iure naturali. Et ideo reus non potest se defendere manifestando delictum occultum testis, quod sub pacto tenet cœlare, nisi circumstantiae aliquæ concurrant, quæ pactum reddant irritum.

54. Secundo, si reus sciat illud delictum, quia illud sibi manifestaverat testis causa petendi consilij; strictius obligatur reus ad cœlandum, non solum ex pacto tacito, quod intervenit in petitione Consilij; sed quia ipsa necessitas petendi consilium facit pactum esse strictioris obligationis. Quod adeò verum est, ut etiam in Religione, in qua Religiosi cedunt iure suo, ut manifestentur superiori eorum defectus ab eo, qui extra confessionem eos noverit, P. Suarez tom. 4. de Religione, tract. 10. lib. 10. cap. 7. num. 23. dixerit, hoc statutum non extendi ad illa, quæ subditi: *Secreto, & Consilij petendi gratia, ut dirigantur, vel inventur, alteri communicaverint.* In tali ergo hypothesi reus non habet ius manifestandi delictum testis; atque adeò peccabit contra iustitiam, si illud manifestet.

55. Tertio, cum per iniuriam cognovit reus eiusmodi delictum, iure naturali tenetur ad illud cœlandum, v. g. Si contra ius illius aperuit litteras ab illo, vel ad illum missas, & illis cognovit delictum eius. Qua-

re delictum sic cognitum per iniuria, non potest reus manifestare pro sui defensione; neque enim habet ius ad talēm defensionem: quod si manifestet, erit detractio læthaliter culpabilis. De his strictis obligacionibus secreti videantur Sotus lib. de secreto membr. 3. quæst. 4. P. Molina to 5. de iust. tract. 4., disp. 3.4. & 5. P. Thomas Sanch. tom. 2. Consil. lib. 6. cap 6. P. Lessius de iust. cap. 11. dub. 8. & 9. P. Georgius Gobatus tom. 3. tract. 5. cap. 19. sect. 10. & 11. & plures apud ipsos.



DISERTATIO XXVII.

*An inficiatur Simonie labe, qui dat temporale pro spirituali, solum tamquam motivum, vel tamquam gratuitam compensationem? Et quid, si tempora-
le sit principale motivum,
imo & finis rei spi-
ritualis conse-
quenda?*

C A P V T I.

Referuntur propositiones dam-
natae, & premittuntur
aliqua.

SYMMARIVM.

*Definitio Simonie, ex S. Thoma.
num. 3.*

*Quid intelligatur nomine emptionis,
& venditionis, ex S. Thoma. nu. 4.
Major eius rei explicatio, ex S. Thoma.
& S. Bonaventura. num. 5.*

Dm-

PROPOSITIO XXXV. & XXXVI.

541.

Duplex est Simonia, scilicet iuris dividimi, & iuris humani. num. 6.

Obiectio Goneti contra hanc divisionem. num. 7.

Authores admittentes eam divisionem. num. 8.

Quomodo non inferatur mutari naturas rerum per hoc, quod admittatur Simonia iuris humani? num. 9. & seqq.

Quomodo permutatio Beneficiorum sit Simoniaca? num. 12.

1. **Q**uadragesima quinta ex dā-
natis propositio sic se ha-
bet: *Dare temporale pro spirituali non
est Simonia, quando temporale non da-
tur tamquam pretium, sed dumtaxat
tamquam motivum conferendi, vel
eficiendi spirituale; vel etiam, quando
temporale sit solum gratuita compen-
satio pro spirituali, aut è contra.*

2. **P**ropositio quadragesima sex-
ta hæc est: *Et id quoque locum habet,
etiam si temporale sit principale mo-
tivum dandi spirituale; imo etiam si
sit finis ipse rei spiritualis sic, ut
illud pluris estimetur, quam res spiri-
tualis. Ut ergo assequamur plenam
intelligentiam harum propositionū,
& damnationis earum, aliqua brevi-
ter præmittenda sunt.*

3. **P**remitto primo, definitio-
nem Simoniæ traditam à S. Thoma
2.2 quæst. 100. art. 1., & à Theologis
omnibus acceptam, esse hanc. Est
*studiosa voluntas emendi, vel ven-
dendi aliquid spirituale, vel spiritua-
li annexum.*

4. **P**remitto secundo, ipsum
Doctorem Angelicum explicasse,
quid intelligatur nomine emptionis,
& venditionis, his verbis: *Ad quin-
tum dicendum, quod nomine emptionis,
& venditionis intelligitur omnis
contractus non gratuitus. Vnde nec
permutatio præbendarum, vel Eccle-
siasticorum beneficiorum fieri potest*

*authoritatē partium absque periculo
Simoniæ. Ex quibus verbis patet pri-
mo, omnieni contractum onerolum,
sive (quod idem est) non gratuitum circa spiritualia, vel spirituali-
bus annexa, esse Simoniacum. Et que
conforme iuri Canonicō in cap. Quæ
stum de rerum permutat, ubi dicitur:
Præsertim pactio præmissa, que cir-
ca spiritualia, vel connexa spiritu-
libus, labem semper continet Simoniæ.
Patet secundo, definitionē in S. Thomā
non limitari ad Simoniā iuris
divini, sed extendi erimi ad eam quæ
iure humano inducta est, qualis est,
quæ veratur circa præbenda, & be-
neficia Ecclesiastica.*

5. Id autem magis declarat An-
gelicus Præceptor in 4. dist. 25. quæst. S. Thom.

3. art. 3. corp. his verbis: *Dicendum,*
quod simonia, ut dictum est, consistit
in emptione, & venditione spirituali,
*vel eorum, quæ sunt eis annexa. Em-
prio autem, & venditio, non solum*
*consistit in datione, vel acceptione pe-
cunia, sed omnium eorum, quorum*
*potest pretium numismate mensura-
ri. Omnis autem temporalis commodi*
*pretium potest numismate mensura-
ri: Et ideo quicumque pro aliquo tem-
porali cōmodo dat aliquid spirituale, vel*
spirituali annexū, Simoniā committit.
Ex quibus satis constat, quomodo
intelligendum sit nomen prætij, quo
*vtuntur Doctores in hac materia Si-
moniæ; non enim intelligitur sola pe-
cunia, sed quidquid potest pécunia
estimari. Et consonat S. Bonaventu-
ra in 4. dist. 25. art. 5. his verbis: Di-*

*cendum, quod non sumitur ita stricte
venditio, & emprio in definitione Si-
moniæ: sed dicitur venditio, quando*
*quocumque pretium facit, dari spiri-
tua'ia; prelio largo modo sumpto pro*
temporali omni, quod est tota, & sola
causa dationis.

6. **P**remitto tertio, aliam esse
Simoniā iuris divini, in qua datur
pre-

pretium pro re spirituali: cuius labo infensus est Simon Magus, dum contendit emere ab Apostolis donum supernaturale. Alia est iuris humani, quo Sacri Canones interdicunt dare, & accipere pretium temporale pro iure etiam temporali, quod spirituilibus est anexum. Et ita cum Beneficium Ecclesiasticum sit ius percipiendi annuos redditus, annexum tamen officio spirituali; Simonia est iuris humani (iuxta probabilem sententiani plurimorum Theologorum, & Canonistarum) dare aliquid temporale pro assequenda collatione Beneficii Ecclesiastici.

Gonet.

7. In hanc tertiam positionem acriter invehitur Gonet in disertatione de Probabilit. num 147. Ait enim: *Cum Ecclesia non possit mutare naturas rerum, nec efficere, quod Simonia sit id, quod vere Simonia non est, si obligatio pecuniae per modum illecebra ad conferendum beneficium permoventis, Simonia labe careat, ex eo praescisse quod Ecclesia legibus, & Canonibus vetetur, Simoniaca dici non poterit, subindeque à rebus huminis exulabit.* Et num. seqq. subiungit: *Inepta plane ad oppositum, & chymarica videtur distinctio illa simonia in simoniam iuris Divini, & iuris Ecclesiastici, quam ad vim rationum precedentium eludendam Recentiores Casuistæ excogitarunt.* In quibus verbis duo notanda veniunt. Primum quod dicat, eam divisionem à Recentioribus Casuistis esse excogitatum, Secundum, quod dicat, ex eo quod Ecclesia non possit mutare naturas rerum, non posse dari simoniam iure humano, quæ non sit talis iure divino.

Suar.

8. Circa primum egregie decipitur Gonet; sunt enim sapientissimi viri tam veteres, quam recentores, qui docent, dari simoniam iuris humani. Ita P. Suarez tom 1. de Relig.

tract. 3. lib. 4. cap. 2. num. 1. vbi sic: *Ante omnia ergo supponenda est divisio simoniae in eam, quæ est contra ius divinum, & eam, quæ tantum est contra Ecclesiasticum. Quam divisionem omnes fere admittunt: ut de iuris peritus constat ex Glossa in cap. [Cum pridem] de pactis. verb. [Illicite pactionis] Alia Glossa in cap. [Ex parte] 1. de offic. deleg. verb. [Dimittere] Quam ibi Innocentius, Ostiensis, Abbas, & alij approbant. Idem sentit Glossa in cap. [Salvator] 1. quæst. 3. verb. [Et iudicem] Tur. recr. recr. in cap. [Latorem.] art. 2. num. 5. 1. quæst. 1. Eamdem distinet. tionem admittunt Theologi, uno, vel alio excepto, ut infra. Et deinde cap. 24. num. 12. pro sententia aferente esse simoniam tantum contra ius canonicum vendere beneficium Ecclesiasticum intuitu solum temporali- tatis refert Felinum, Decium, Ana- niam, Cardinalem, Alexandrum, Iulium Sarum, Navarrum, Vgoliniū, & Thomam de Argentina. Vide quot, & quanti Doctores ex vetribus propugnant simoniam iuris Ec- clesiastici. Quo ergo iure dixit Gon- netus, quod id: *Recentiores Casuistæ excogitarunt?* Ut omittam immen- sam phalangem Theologorum recē- torum eamdem conclusionem pro- pugnatium.*

9. Ad secundum, quod subiungit, non dari simoniam iuris Ecclesiastici, ex eo quod Ecclesia non pos- sit mutare naturas; atque adeo non posse facere, quod sit simonia ea, quæ iure divino talis non est; respon- deo, multis demonstrationibus ostendiendo posse, nullius esse momenti cum discursum de lumen ex Durando Durando quem refert P. Suarez cit. cap. 7. sed suar. quia hæc in præsenti breuiter discurso, illis supersedeo, videndis apud P. Suarez eo cap. 7.

10. Solum dicam, non mutari rerum

PROPOSITIO XXXXV. & XXXXVI.

543.

rerum naturas, per hoc quod detur simonia iuris humani. Etenim cum ad Ecclesiam pertineat determinare cultum, quo veneranda est Sacra Eucharistia, ita præcepto suo statuit, ne quis accipiat Eucharistiam, nisi ieiunus. Ante præceptum Ecclesiasticum non erat sacrilegium, communicare non ieiunum; sicut neque est sacrilegium, quod moribundus communicet non ieiunus, quia præceptum non extenditur ad moribundum. Sed post præceptum Ecclesiae, sacrilegium est, quod quis communicet non ieiunus, extra periculum mortis. Sed numquid Ecclesia mutat naturas rerum, quia expræcepto suo resultat, esse sacrilegium, quod ante præceptum non erat sacrilegium? Minime. Imo potius ipsa rei natura postulat, quod cum Ecclesia id præcipit ob reverentiam Eucharistie, qui violat id præceptum, dilinquit contra reverentiam debitam Eucharistie; atque adeò committat sacrilegium.

11. Sic similiter in simonia, quia Ecclesia præcipit, neminem privata auctoritate commutare unum beneficium cum alio (quod ante præceptum non erat illicitum) idque præcipit ex motivo Religionis, ideò resultat irreligositas simoniae. Videatur P. Suarez. cap. 7., vbi declarat tres modos, quibus potest committi simonia iuris Ecclesiastici, nempe ex parte contractus, & ex parte rei venditæ, & ex parte pretij. Confirmatur. Nam antequam Ecclesia prohibet, ne examinatus ad beneficium parochiale det aliquid, etiam gratis, & liberaliter examinatori; licitum erat dare illud gratis; & tamen Concilium Tridentinum sess. 24. cap. 18. de Reform. ait: *Caveantque, ne quidquam prorsus occasione huius examinis, nec ante, nec post accipient, alioqui simonia vitium tam ipse, quam*

alij dantes incurvant. Numquid ergo mutauit Concilium naturam simoniae, quia declarat simoniacos esse eos, qui ante prohibitioem non erant tales? vide infra cap. 3. art. 2.

12. Præmitto quarto id, quod docui in 3. part. Cris. Theol. disp. 68. cap. 3., permutationem beneficiorum factam auctoritate partium, & sine auctoritate Prælati competentis, esse propriæ simoniæcam, & ei convenire definitionem communem simoniae supra datam. Et ratio est: nam hoc beneficium A, sive ius percipiendi annuos redditus est quid extrinsece spirituale: sed datut pro alio iure temporali percipiendi annuos redditus, scilicet Beneficij B.: ergo datur spirituale pro temporali. Quod argumentum late prosecutus sum loco citato.

13. Præterea, nam iuxta definitionem S. Thomæ supra relati, simonia est studiosa voluntas emendi, vel vendendi aliquid spirituale, vel spirituali annexum; & iuxta eiusdem declaratione supra positam, nomine emptionis, & venditionis intelligitur omnis contractus non gratuitus: sed permutatio unius beneficij cum alio, propria auctoritate facta, est contractus non gratuitus: ergo simoniaca est.



CA.